



Concello de Gondomar

Expte.: 85/2023

Procedemento: Desfile de entroido 2023

Asunto: Bases de participación

BASES PARA O DESFILE DE COMPARSAS E CARROZAS DE ENTROIDO 2023

O Concello de Gondomar organiza un ano máis o tradicional *Desfile de Entroido*. Este evento de gran relevancia e atractivo turístico no territorio quere seguir afianzándose como evento de referencia no Val Miñor e no resto de concellos limítrofes.

Como na edición anterior o desfile de Entroido non contará con concurso como tal, iso quere dicir que todos os participantes levarán unha cuantía económica, iso si, cinguíndose ás condicións de participación reflectidas nestas bases.

1. OBXECTO

As presentes bases establécense coa finalidade de regula-lo proceso de organización e realización do *Desfile de Entroido* en Gondomar, garantindo a igualdade de trato entre todos os participantes, que deberán aceptalas integramente unha vez presentada a solicitude de participación.

2. DATAS E HORARIOS DA CELEBRACIÓN

Este ano o *Desfile de Entroido* en Gondomar levarase a cabo como xa é tradición durante a xornada do **domingo 19 de febreiro**, coincidindo coas propias datas do Entroido, sempre que a climatoloxía o permita.

A data alternativa que se propón, en caso de choiva, será o **martes 21 de febreiro**, e no último caso de que ese día tampouco fose posible, o **sábado 25 de febreiro** sería a última data para a celebración.


De non ser posible realizar o desfile nas datas sinaladas, o desfile darase por **CANCELADO** ata a vindeira edición.

O horario de comezo do *Desfile de Entroido* serán as 16:30h.

En canto ao ***Enterro da Sardiña***, celebrarase o propio **martes 21 de febreiro** no descanso da Verbena de Entroido que terá lugar a partir das **22:00h** nun espazo a determinar, sempre que as circunstancias climatolóxicas o permitan, de non ser así, quedará **CANCELADO**

3. LUGARES DA CELEBRACIÓN

O tradicional Desfile de Comparsas e Carrozas de Entroido en Gondomar partirá dende a rúa Eduardo Iglesias accedendo pola rúa Ángel Urzáiz para facer entrada na Praza Paradela, pasar por diante do Concello e





Concello de Gondomar

marcar a súa saída cara a rúa Avenida do Conde onde finalizará a formación e a súa actuación.

4. REQUISITOS DE PARTICIPACIÓN

- A participación está aberta a todas as asociacións veciñais, culturais, xuvenís, deportivas, grupos, colexios, etc. que presenten comparsa.
- Terán preferencia para participar, as comparsas do Concello de Gondomar, e posteriormente as do Val Miñor.
- As comparsas deberán estar formadas por un mínimo de 20 compoñentes.
- O número máximo de comparsas inscritas será de 12, con un mínimo de 6 e ata un máximo de 5 convidadas.
- Presentar unha breve descrición da comparsa.
- As carrozas participantes no desfile non poderán exceder das seguintes dimensión, sen contar o vehículo a motor que as arrastre: 8.00m de longo, 3.50m de ancho e 4.50 m de alto.
- Non serán admitidas as comparsas con animais vivos.
- O *desfile de Entroido* prevese en modalidade de pasarrúas sen pausa.
- A participación implica a aceptación das bases.
- Calquera cuestión ou dúbida será resolta polos departamentos de Cultura ou Turismo no seguinte Email: cultura@concellodegondomar.gal ou nos teléfonos 986.38.40.20/ 658.540.991 de luns a venres de 8:00 a 15:00h.

5. DOCUMENTACIÓN

Poderán presentar a inscrición no desfile de Entroido de Gondomar todas aquelas agrupacións informais ou rexistradas que reúnan os seguintes requisitos:

AGRUPACIÓNS FORMAIS REXISTRADAS:

- Acreditación de estar rexistrada como asociación no Rexistro de Asociacións da Xunta de Galicia.
- Copia do DNI do representante legal da entidade.
- CIF da entidade.
- Unha declaración xurada de non perseguir coa activiade finalidade lucrativa algunha (documento orixinal con selo e firmas oficiais).
- Certificación de atoparse ao corrente das súas obrigas fiscais con





Concello de Gondomar

- Consellería de Facenda
- Axencia Tributaria
- Tesourería da Seguridade Social
- Certificado actualizado de titularidade da entidade da conta bancaria
- Certificado actualizado de titularidade da conta bancaria
- Documentación do conductor/a do vehículo ou vehículos das carrozas así como seguro e ITV ao día.
- Memoria descritiva e detallada das características e peculiaridades da comparsa como figura no ANEXO I.
- Póliza do seguro de responsabilidade civil.
- Xustificante de pagamento do seguro de responsabilidade civil.

AGRUPACIÓNS INFORMAIS OU NON REXISTRADAS:

- Certificado actualizado de titularidade de conta bancaria
- Copia do DNI do representante
- Folla de firmas cuberta e completa segundo ANEXO I
- Memoria descritiva e detallada das características e peculiaridades da comparsa como figura no ANEXO I.
- Póliza do seguro de responsabilidade civil.
- Xustificante de pagamento do seguro de responsabilidade civil.

6. PRESENTACIÓN DE SOLICITUDES

As inscricións para participar no *desfile de Entroido* de Gondomar, faranse mediante as oficinas de Rexistro Xeral (de luns a venres de 8:00 a 14:00h.) ou mediante Sede Electrónica (obrigatorio para as agrupacións rexistradas ou asociacións) a partir do día seguinte a publicación destas bases na páxina web municipal e antes do **día 13 de febreiro as 23:59h.** seguindo o ANEXO I de inscrición que se achegan con estas bases.

Non se aceptará ningunha solicitude fora de prazo.

As presentes bases, unha vez aprobadas, serán publicadas na páxina web do concello de Gondomar www.concellodegondomar.gal e na sede electrónica donde se poderá descargar a documentación necesaria para realizar a inscrición.

Deberá haber un mínimo de 6 solicitudes para que o *Desfile de Entroido* se leve a cabo.

7. MODALIDADES E COMPENSACIÓNS ECONÓMICAS





Concello de Gondomar

O Concello de Gondomar establece catro modalidades dentro das agrupacións inscritas:

- COMPARSAS DE 20 A 40 COMPOÑENTES SEN CARROZA: 300€
- COMPARSAS DE 41 A 60 COMPOÑENTES SEN CARROZA: 350€
- COMPARSAS DE 61 A 80 COMPOÑENTES SEN CARROZA: 400€
- COMPARSAS DE MAIS DE 81 COMPOÑENTES SEN CARROZA: 450€
- COMPARSAS DE 20 A 40 COMPOÑENTES + 1 CARROZA: 450€
- COMPARSAS DE 41 A 60 COMPOÑENTES + 1 CARROZA: 500€
- COMPARSAS DE 61 A 80 COMPOÑENTES + 1 CARROZA: 550€
- COMPARSAS DE MAIS DE 81 COMPOÑENTES + 1 CARROZA: 600€

Cada carroza a maiores axudarase economicamente con 100€.

Entenderase por carroza a plataforma decorada que sexa arrastrada por un vehículo a motor. Todo o demais serán elementos decorativos complementarios e non formarán parte de este incremento económico.

O Concello de Gondomar establece un número **máximo de solicitudes de comparsas** a participar no *desfile de Entroido de 12 comparsas, e un mínimo de 6*, tendo preferencia as do Concello de Gondomar e a continuación as do Val Miñor.

Todas as solicitudes que sexan rexistradas nas datas establecidas nestas bases pero que sobrepasen o número de comparsas permitidas, pasarán a ser **comparsas convidadas** recibindo unha axuda económica de 200€. O número máximo de comparsas convidadas será de 5.

As comparsas convidadas poderán ter un número de compoñentes inferior a 20 cun mínimo de 6 persoas.

Non se aceptará a participación de ningunha comparsa no desfile que teña menos de 20 compoñentes a excepción das convidadas.

8. TRIBUNAL DE COMPROBACIÓN

O Concello de Gondomar contará cun tribunal de valoración que no mesmo día do desfile, antes e durante o mesmo, comprobarán desde calquera punto do percorrido que todas as comparsas inscritas cumpran cos requisitos establecidos nestas bases.

O tribunal estará formado por 5 persoas :

PRESIDENTE/A: Alcalde do Concello de Gondomar ou en quen delegue.

SECRETARIA: Coordinadora da Concellería de Cultura do Concello de Gondomar.

VOGAIS: 3 persoas que formen parte do persoal do Concello para





Concello de Gondomar

verifica-lo cumprimento das bases.

9. OBRIGAS DOS PARTICIPANTES:

- Os participantes comprométese a acatar íntegramente o establecido nestas bases, e quedarán suxeitos as modificación que a organización considere.

- Os participantes comprométese a acudir ao *enterro da sardiña* que se celebra o martes 21 de febreiro (salvo outras indicacións por parte da organización) cun mínimo de 10 compoñentes. Ese día se levantará acta de comprobación.

- Os participantes comprométese a respetar e cumprir con todas as medidas de seguridade para favorecer o desenvolvemento do desfile.

- Os participantes comprométese a comunicar por escrito mediante as oficinas de Rexistro Xeral ou por Sede Electrónica antes do día do desfile a renuncia a acudir ao *desfile de Entroido* de Gondomar, de ser o caso.

- Será obriga dos participantes comunicar calquera cambio na formación ou composición das comparsas ata dous días antes do desfile.

- Os participantes deberán comezar puntual o seu turno de desfile, algo que tamén verificará o tribunal, acorde as normas de convivencia e horarios establecidos previamente notificados mediante correo electrónico ás comparsa participantes.

- Os participantes comprométese a entregar toda a documentación requerida nestas bases.

10. OUTRAS CONSIDERACIÓNS:

Será motivo de sanción económica (a descontar do importe a percibir):

- O non acudir ao *enterro da sardiña* cun mínimo de 10 participantes caracterizados.

- A impuntualidade das comparsas.

- O non cumprir coas obrigas citadas nestas bases.

- Excederse do tempo establecido para o percorrido do desfile, que en ningún caso poderá exceder dos 30 minutos dende a súa saída ata o seu paso por diante do Concello..

- Realizar pausas durante o pasarrúas.

- Os membros do tribunal poderán ser substituídos por potestade do Alcalde, sen que isto conleve comunicación previa os participantes.

- O orde de saída das comparsas será por riguroso orden de entrada da solicitude no Rexistro Xeral o una Sede Electrónica.





Concello de Gondomar

- Calquera modificación nos horarios de saída que queiran facer entre as comparsas, deberán comunicalo ao Concello de Gondomar mediante as oficinas Rexistro Xeral ou sede electrónica ata dous días antes do desfile.
- Cada comparsa contará cun máximo de 30 minutos de desfile dende o inicio do percorrido ata o seu paso por diante do Concello.
- No momento da inscrición, as comparsas autorizan ao Concello de Gondomar a fotografar ou grabar as formacións, así como facer uso das imaxes con fins promocionais e documentais do evento.
- **Queda prohibida a participación de animais vivos no desfile.**
- O Concello de Gondomar reservase o dereito de calcelar ou modificar as datas ou horarios do desfile sen que isto conleve ningún tipo de compensación económica para os participantes.
- O Concello de Gondomar poderá suspender o desfile por causas de forza maior sen que isto conleve ningún tipo de compensación económica para os participantes.
- O Concello de Gondomar **notificará o día 14 de febreiro mediante correo electrónico** as comparsas participantes a orde de saída.
- O Concello de Gondomar, resérvase o dereito de modificar o percorrido do desfile, previa comunicación as comparsas participantes, sen que isto conleve ningún tipo de compensación económica.
- O Concello de Gondomar, resérvase o dereito a modificar-lo desenvolvemento do *enterro da sardiña* previa comunicación aos participantes.

(documento asinado dixitalmente)

